

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
OPĆINSKI SUD U SANSKOM MOSTU
Broj: 022-0-SU-21-000 431
Datum: 24. 08. 2021 godine

Na osnovu člana 31. Zakona o sudovima Federacije BiH („Službene novine FBiH“, br:38/05,22/06,63/10,7/13 i 52/14), člana 8. Pravilnika o unutrašnjem sudskom poslovanju („Službeni glasnik BiH“, br: 66/12 i 40/14), člana 18.stav (1), člana 87.stav (2), te člana 88. i člana 89. Zakona o javnim nabavkama BiH („Službeni glasnik BiH“, broj:39/14), predsjednik suda d o n o s i

O D L U K U
o pokretanju postupka javne nabavke radova
putem konkurentskog zahtjeva za dostavu ponuda

I Predmet javne nabavke

Član 1.

Općinski sud u Sanskom Mostu, kao ugovorni organ, pokreće postupak javne nabavka radova na zamjeni krova zgrade suda

Član 2.

Predmet javne nabavke iz člana 1. ove Odluke je predviđen Planom nabavki Općinskog suda u Sanskom Mostu za 2021.godinu.

II Vrijednost javne nabavke radova

Član 3.

Ukupna procjerna vrijednost javne nabavke iznosi 55.556,00 KM (slovima:pedeset pet hiljada, pet stotina pedeset i šest KM), bez PDV-a.

Nabavka nije podijeljena na lotove.

Član 4.

Radovi koji su predmet javne nabavke će biti financirani iz sredstava Budžeta USK-a za 2021. godinu, sa ekonomskog koda 821600.

III Vrsta postupka javne nabavke

Član 5.

Javna nabavka iz člana 1. ove Odluke, provest će se putem Konkurentskog zahtjeva za dostavu ponuda, a u skladu sa odredbama Zakona o javnim nabavkama BiH i podzakonskim aktima

IV Kriterij za izbor najpovoljnijeg ponuđača
i zaključenje ugovora

Član 6.

Dodjela ugovora se zasniva na kriteriju najniže cijene.

Po okončanju postupka javne nabavke predviđeno je zaključivanje ugovora o nabavci radova na zamjeni krova zgrade suda.

V komisija za provođenje postupka javne nabavke

Član 7.

Postupak javne nabavke po ovoj Odluci će provesti komisija koja će biti formirana od strane predsjednika suda posebnom odlukom, a u skladu sa Pravilnikom o uspostavljanju i radu komisije za nabavke.

Član 8.

Odluka stupa na snagu danom donošenja i bit će objavljena na web stranici Općinskog suda u Sanskom Mostu.

O b r a z l o Ź e n j e

Pravni osnov za donošenje ove Odluke sadržan je u članu 18.stav (1) Zakona o javnim nabavkama BiH (u daljem tekstu:Zakon), kojim je propisano da ugovorni organ pokreće postupak javne nabavke donošenjem odluke ili rješenja u pisanom obliku koji obavezno sadrži: zakonski osnov za provođenje postupka javne nabavke, predmet javne nabavke, procijenjenu vrijednost, podatke o načinu finansiranja, te vrstu postupka javne nabavke, kao i u članu 88.stav (2) istog zakona kojim je regulisano da je prilikom pripreme konkurentskog zahtjeva za dostavu ponuda ugovorni organ dužen donijeti odluku o pokretanju postupka. Članom 87. stav (2) Zakona, utvrđeno je da ugovorni organ provodi postupak konkurentskog zahtjeva za dostavu ponuda u slučaju da je vrijednost nabavke radova manja od iznosa 80.000,00 KM, dok je u članu 88. stav (1) Zakona određeno da se zahtjev za dostavu ponuda o provođenju postupka, dostavlja određenom broju ponuđača pri čemu taj broj ne može biti manji od tri, a na portalu javnih nabavki se obavezno objavljuje dodatno obavještenje o nabavci. Istim Zakonom član 89. je određeno da je kriterij za dodjelu ugovora u postupku konkurentskog zahtjeva najniža cijena.

Članom 10.stav(2) Pravilnika o uslovima i načinu korištenja E-aukcije je predviđeno da od 01.01.2020.godine ugovorni organi su dužni za sve postupke javne nabavke, kod kojih se koristi najniža cijena kao kriterij za dodjelu ugovora , predvidjeti provođenje e-aukcije u sistemu E-nabavke.

Za potrebe Općinskog suda u Sanskom Mostu potrebno je provesti javnu nabavku radova na zamjeni krova zgrade suda.

Pri donošenju ove odluke u obzir je uzeta činjenica da je javna nabavka predviđena Planom nabavki za 2021.godinu, a u skladu sa sredstvima koja su Budžetom dodijeljena ovom sudu.

Članom 13. stav (1) Zakona određeno je da ugovorni organ i za provođenje konkurentskog zahtjeva za dostavljanje ponuda obavezno imenuje komisiju za nabavke, čije uspostavljanje, poslove i obaveze regulišu odredbe Pravilnika o uspostavljanju i radu komisije za nabavke („Službeni glasnik BiH“ broj:103/14).

Na osnovu naprijed navedenog, donesena je ova odluka.



Predsjednik suda
Selman Enes